

Նեղոց

Մակերես՝ 4.22 կմ²

Բնակչություն՝ 336

Բնակավայրում ապրում են 302 բնակիչ, որից 152 տղամարդիկ և 150-ը՝ կանայք:

Լոռու մարզի Նախկին Թումանյանի շրջանի/ Նեղոց գյուղը պատմական արձանագրություններում հիշատակվում է դեռևս 16-17-րդ դարերում: Այն ավելի հին է, քան ենթադրվում է, որը վկայում են գյուղի շրջակայքում գտնվող խաչքարերը: Գյուղը գտնվում է ծովի մակերևույթից 650մ բարձրության վրա: Գյուղի կլիման ձմռանը մեղմացուրտ է, իսկ ամռանը՝ շոգ: Հաճախակի են չորային երաշտի տարիները, որից շատ են տուժում գյուղատնտեսությամբ և անասնապահությամբ զբաղվող գյուղացիները: Գյուղը հարուստ է անտառներով, վայրի բերքատու ծառերով և բնական աղբյուրներով: Ներկայիս Նեղոցի նախնիները եղել են Հաղբատից՝ 170-180 տարի առաջ: Գյուղի շրջակայքում կան 50-ից ավելի խաչքարեր:

1941-1945թթ. Հայրենական մեծ պատերազմին մասնակցել են 40 զինվորներ, որից 17-ը զոհվել են: 1976թ. գյուղի կենտրոնում կառուցվել է Հայրենասական Մեծ պատերազմում զոհվածների հուշաքարը: 2006թ. նույն տարածքում Արտաշես, Արմեն և Վահան Բեգջանյանների հովանավորությամբ կառուցվել է Սուրբ Գայանե մատուռը: Գյուղը նախկին շրջկենտրոնից՝ Ալավերդուց, գտնվում է 14կմ և մագկենտրոնից՝ Վանաձորից, 66կմ հեռավորության վրա: Գյուղն ունի հիմնական դպրոց 1 մասնաշենքով, որտեղ սովորում է 32 աշակերտ: Դպրոցի շենքը գտնվում է բարեկարգ վիճակում: Համայնքը չունի մշակույթի կենտրոն և գրադարան, որը խորհրդային տարիներին նորը կառուցելու նպատակով քանդվեց կառավարության կողմից: Սակայն մինչ օրս համայնքը չունի մշակույթի պալատ կամ համայնքային կենտրոնի շենք: Համայնքում առկա են 75 սեփական առանձնատուն: Կան կիսակառույց տներ, որոնք բնակչության սոցիալ-տնտեսական վատ վիճակի պատճառով չեն վերանորոգվում: Համայնքը չունի բուժկետ: Ախթալայի առողջապահական կենտրոն ՓԲԸ-ի կողմից նշանակված բուժքույրը բնաչությանն սպասարկում է տնային պայմաններում: Համայնքը գտնվում է Հայջրմուղկոյուղի ՓԲԸ հյուսիս-արևելյան մասնաճյուղի մոտ և ջրամատակարարումը իրականացվում է գրաֆիկով: